

古今說部叢書

第四集

二

中國圖書公司和記出版

實業學校用

譯 輯 如 月 曾

實驗電報學

一册 定價六角

西國電學家言。汗牛充棟。是編就譯者所見數十百種中。擇其關於電報學者。摘譯其菁英。凡譯者從事斯學二十餘載。經驗既富。學識自充。凡遇西書所無者。悉據閱歷所得。以補其闕漏。圖必精審。說必詳盡。末附正切表。供測算時檢查。并附中西物料名目表。凡我國電報公用之名稱及相傳之俗稱。皆有所取正。

蜀徵紀聞

青浦王昶德甫譏

乾隆三十六年九月。予從定邊右副將軍溫公福於永昌。將襲緝會四川金川土司索諾木。與革什咱土司拉旺斯布登夙有隙。隱爲兼併計。四月乘其浴於溫泉掩擊殺之。取其地。先是金川有女欲與革什咱婚。土司拉旺斯布叛奔於金川。索諾木妻以女從怨之。會革什咱所轄土司舍朗卡瓦爾佳以告。瓦爾佳至革什咱不得近。五月拉旺斯布登往洛朗卡瓦爾佳以告。川欲以朗卡瓦爾佳爲土司。衆不服。乃止。遂以衆侵明正土司。而小金川土司僧格桑者。本與金川同祖。且娶索諾木妹。自上年已指沃日土司色達拉爲咒詛。致其父子患病。且年歲不登。舉兵攻之。於是大學士兼總督阿公爾泰親至達圍。諭以順逆利害。并割沃日舊寨及日耳地界小金川。色達拉退棲於達圍。僧格桑始歛兵退。然番人重佛教。嘗遣人赴西藏禮達拉喇嘛。謂之熬茶。
喇嘛。番僧之謂。達賴。梵言海。謂其智慧法力如海也。居西藏之布達拉山。印度寺大。詔小。唐以詔甘丹諸寺。皆其所屬。西藏西方者。本杜爾伯特地。爲天在佛。總理天下。喇嘛。竺。五印之分治。其民頒給金冊。金寶。其印文云。地主。云云。

任。命德公禡總督四川。趣阿公入閣辦事。會德公在途。奏緬事不稱。旨罷爲一等侍衛。復令阿公兼總督如故。終以其嫻吏治不習軍旅。於是止襲緬之舉。命右副將軍馳往四川。區處軍事。時前副將軍阿公桂芳以緬事革職在永昌。溫公以其久在四川。熟練邊事。奏請隨往自効。二十五日得旨。授阿公四川總督。溫公又奏言。自永昌至四川。雖有山僻小路。詢之地方官。稱係夷苗雜處之地。人夫牲畜稀少。沿途並無住宿村莊。必須長行驟馬。駛載鍋帳。轉恐不能遄行。應由省東露益州。經貴州威寧畢節一路入蜀。共五十五站。星馳前往。計十月二十間可至成都。在滇之滿洲兵二百。黔兵三千。應令參贊大臣五岱及雲南昭通鎮總兵官馬彪率之。分隊隨後啟程。二十八日遂行。參軍事者。兵部員外郎巴君尼璋。尙君安及主事王君日杏。趙君文哲皆同行。辰刻雨頃之晴。所過官坡。威寧哨鐵索橋。泥途滑滑。徒御頗爲艱窘。戌刻抵杉木河憩。三十日丑刻行。薄寒中人殊不可忍。辰刻過漾濞稻畦已刈矣。今秋雨多。百溪怒漲。漾江水尤巨鏗蹴沓可畏。酉刻抵合江。飯已。段生雲程來。生家於此。其父子

兄弟皆學官弟子。上年五月二十二日余主其家。會密雨。倚樓望四山雲霧晦靄。遶檐皆竹樹。與溪水鏘鳴徹夜。枕上因作四絕句。所謂兩年七度紀山程。伏雨闌風馬倦行。好語南樓絃誦士澤車歛段足生平者也。生出詩文質正且欲求師。時予門人蔣檢討鳴鹿方主大理書院講席。乃作書使往受業焉。至是中夜走送。頗感其意。贈以一絕云。戎馬間關日。江山搖落辰。憐君中夜別。萬里話窮塵。

十月初一日寅刻過龍尾關。日出過趙州。憶去年經此州南十餘里有飛來寺。寺爲景泰六年中涓所修。後殿殊高。登之可瞰百餘里。時點蒼方出雲不見頂。洱海在杳靄空濛間。如一幅潑墨畫。今過此。尚昧爽不及登也。午刻過白崖戍。刻抵雲南驛。

初二日子刻行。辰刻至普淜。時戶部右侍郎桂公林亦銜。命赴川辦理軍事。爲副將軍作書與之。訊兩金川近日情狀。飯已至天神堂。有微逕通鷗鵝塘。林木陰翳。黃葉時墮。沿路流水淙淙。景物極幽寂。然地下沮洳。夏秋弗可行也。夕

抵沙樓。已見初月。

初三日過呂合至楚雄。飯於同年太守周君。際清廨中。見宗人誦芬大令草草。不得語也。夕抵廣通接德制軍。福來信云已督兵渡明正土司河。攻取碉樓數座。戮番衆百餘人。

初四日過捨資祿豐。皆啜茗而去。及暮微雨。抵鍊象關。俗名老雅關也。

初五日子刻行雨甚。乃舍輿而馬。黎明至安寧州。未刻過碧雞關。重臺梅萼已
繆焉紅。蓋在滇西見此花矣。爲之慨然。申刻抵省。復晤法謹亭。明博晰齋。明諸
公。是夕諾肇仁撫軍促小飲。二鼓歸。諸事拉雜。弗能寐也。

初六日辰刻將行。有歌者楊遇來送。意態頗掩抑。楊本貴州人。向爲吳制府達
善所眷。因徙居昆明。曩以詩贈之。有錯認生來神女廟。畫梁初日是芳名之句。
就道雨甚。過板橋。與唐再可。思明府余庚。有慶長同知。小坐話別而去。亥刻始
抵楊林。

初七日寅刻行。巳刻過易龍。戌刻抵馬龍。署州事平君。璽敬來見。同年瑤海。璽

臺之弟也。

初八日丑刻行。已刻過松林驛。又八十里。戌刻抵炎方驛。卽來遠驛也。南寧令楊君興邦以部署驛事在此。中夜來謁。余方據案作文檄。相對惘然。

初九日微陰。辰刻過霑益州。自易龍以東。地頗平敞。申刻至宣威州。則四山環抱。林莽復蔽虧矣。夕抵渝塘驛。郵舍僅數椽。疥牆濕地。弗可憇也。飯畢卽行。西風作五鼓。寒甚。

初十日辰刻渡可渡橋。橋長數十丈。雄壯險阨。滇黔接壤處也。亥刻抵威寧。時趙君雲松翼新授貴西兵備道。抵省聞予輩來。乘遞至此。令候人來迎。過舍小飲。出近詩見示。中如打牛坪諸作。皆雄傑可喜。知州崇君士錦江蘇天長人。爲癸酉同年。是夕往憇其署。作奏草。

十一日辰刻過鄧子坎。又四十里過渾水塘。四十里過水槽。黔中多雨泥淖。殊窘於行。四十里抵七家灣。得旨知阿公爾泰破小金川四寨。盡復明正土司地。進攻約咱大寨。游擊宋元俊之力爲多。宋安徽鳳陽人在川久。熟習番人蹤

跡故能然。上嘉之特擢爲副將。

十二日四十里過平山哨。又四十里過新屯。又四十里過高山鋪。又四十里抵畢節。時己亥正三刻矣。

十三日已刻拜摺後行。畢節爲黔滇兩省銅運總匯處。市集甚盛。行二十里度七里橋。上爲七星關。氣象頗雄闊。又四十里抵層臺。俗名孫家集。時同年戴君涵在此辦理驛事。憶戊子冬赴滇時。君由玉屏令擢定番知州。方謝事。今復署黔西州三年賦別。世故滋多。秉燭絮語。爲之淒絕。

十四日行五十里過白崖。又五十里未刻過赤水河。一名齊郎水。其源出貴州赤水衛。故名。流至四川合水縣。入於大江。水色深綠。扁舟以渡河西。卽四川界也。登岸村舍半塌無坐處。食粥少許。行又三十里下山甚峭。俗以判官腦呼之。時雨大作。行頗艱險。又二十里戌刻抵摩泥。有微月。村家早閉門。無可棲止者。久之得一空舍。蓋萬壽宮也。取火市米。呼守舍一嫗炊飯。飯與人去。

十五日子刻過半邊山。止於逆旅。無人夫不能行。秉燭危坐。因思查君儉堂

禮

方爲四川松茂兵備道。小金川各夷境皆其所轄也。乃作詩四章寄之。云烽火頻年歷瘴鄉。又隨定遠過華陽。陌刀二百軍鋒銳。見牛叢與南詔綽斯書組甲三千殺氣揚。

謂滿洲兵百黔兵三千

星拂參旗開北路。地窮井絡入西羌。書生參佐真何補。聚

米糧君指戰場。決策凌冬鏟賊壕。

木坪瓦寺陣雲高。雜夷何敢思蠶食。上將重

煩運豹韜羽檄徵兵三道集。繩橋輓粟萬夫號。

熏香畫省南吳客。約服頻憐壓。

孟勞東華游。醺昔時同。犢酒獮刀讖語中。

擁傳君先辭薊北。從軍我亦度岡東。

人稱老官屯爲岡東

梅花人日勞相憶。杜宇春山望不窮。何意天涯雙鬢白。維關風

雪並臨戎。杜陸清才萬古傳。敢誇詩筆門前賢。

江山寥落身將老。戎馬間關病未捐。遠道驚心悲陟岵。餘生回首念歸田。

祇應共醉郵筒酒。欲訴牢愁更惘然。

比曉始雇貿易人。昇輿以行五十里過普市。市在山半。又四十里西刻過滴水舗。始蟲有供帳具。又四十里亥刻抵永甯。

十五日卯刻過老軍營。又三十里巳刻過馬嶺。又四十里未刻至江門驛。驛西

清水河源於雲南鎮雄州。

及是太平山始通舟楫。聞副將軍已從水路往。蓋自

江門至瀘州。應歷大洲渠壩納谿三驛。凡一百六十里。若乘舟順流。半日可達也。

後改名伊綿

西刻予同兵部員外郎尙安

尤悍。舟至是忽落數丈。其旁巨石如獵獅奔馬。皆與船舷戛擊。初見山腰遠火上下。與舟人呼嘯頃之齊列峽側。因是峽險惡。晚行尤不易。故土人把火來照云。時僉從不寐數日矣。是夕皆熟睡。

十六日寅刻起。倚艦眺望。微月將墮。水雲空濛。舟人指云前納谿縣也。達縣境北行。水漸逆。是爲清水河入大江處。頃之見大江從西來。冲濺渺瀾。又東行二十里。午刻至瀘州。閭閻富庶。市集繁華。蓋雲南之銅皆於此運江行。故然。寓舍堂軒整敞。蓋川南道行署也。時尙君小極。憇久之乃行。三十里抵林坎驛。則二更餘矣。

十七日子刻行。辰刻過嘉明驛。明隆慶間都蠻之亂。曾設通判於此。理糧餉。後裁。五十里過石燕河。又二十里亥刻抵隆昌縣令朱君雲駿出見。無錫人。頗工詩。官蜀後所刻萬里集。尤多佳者。如瀘州云。萬頃波光碧玉流。鐵瀘城畔繫扁

舟恰當煙雨空濛候。訪到江山平遠樓。吳楚帆檣來極浦。巴渝箏笛動新愁。尊前賴有蘭言契。懷抱憑開互唱酬。抵富順云小別。江陽已隔年。沿緣山色策吟糖。四圍翠篠遮紅樹。一逕清流帶碧煙。墟市簫聲沽酒伴。江濱燈火賣魚船。使君底事偏相左。訪到西湖意惘然。資陽縣云嘉樹俯清流。涼蟬吟早秋。城環金雁水。人上木蘭舟。向夕洒微雨。橫波明遠鷗。酒帘飄隔岸。覓取醉鄉侯。蓬溪縣云林密疑無路。峯迴儼步虛。犬聲流水外。風信落花初。臺古畱仙蹟。山深產石魚。諮詢良足慰。閭井樂安居。皆清唱也。銜杯晤語移時而別。

十八日行三十里。辰刻過雙鳳驛。又三十里過椑木鎮。又三十里未刻過內江縣。江水自灌縣來分爲二。此支由成都之北繞縣郭流至瀘州入江。故謂之內也。又六十里戌刻抵營山鎮。飯已小憩。

十九日子刻沿唐明渡行六十里渡中江。寅刻過資州。辰刻過金帶舖。又四十里午刻過南津驛。又六十里未刻抵資陽。中江自北來。遶城東行。至城南而資溪水自西來注之城在資溪東。故謂資陽。令山東孫君輝出迎甚恭。予弟秋汀

啟焜富順縣丞。以協理驛務在此。不相見者十五年矣。一則天涯薄宦。一則雪嶺從軍。草草數語而別。不覺墮淚也。又四十里戌刻抵臨江寺。

二十日子刻行六十里至簡州。知州陸君元鼎出見。蘇州人。名醫薛生白壻飯已。七十里過龍泉驛。以近龍泉山名。又七十里抵成都。則副將軍已於十八日至阿公於十九日至寓皇華館。在城之北。

二十一日詢各路軍情。打箭爐距章谷四百里。章谷距約咱二十餘里。中隔河。夷人用皮船往來。今造舟以渡。南路漢兵屯練共八千餘人。阿公爾泰與副都統鐵君保總兵英君泰及宋君元俊率以分攻賊寨。董天弼有兵五千四百名。以西路山峻險。於九月三十日從山神溝往木坪。爲進攻甲金達計。是月十四日兵始集。方議以二十四日由堯磧前進云。先是兩金川事起。阿公爾泰意臨之以兵。逆酋必懼。遵約束退兵。故兵糧諸事咸未及爲久計。暨德制府至。始令布政司設軍需局專辦。悉仿十三年金川用兵事例。支用報銷。至是軍需局報稱各路共運糧四萬三千六百餘石。派夫一萬二千二百餘人。各營可撥火藥。

共十萬九千二百餘觔鉛子火繩等物稱是。是夕得旨。王昶著賞給主事所。有分例准其支食。

二十二日與司道諸君相見。時布政使劉君益謝病。以李君本代其任。漢軍正藍旗人也。按察使李君世傑。貴州黔西人。亦新任此。川北兵備道吳君文煌。江蘇高郵人。成都府知府蘇君爾通阿。滿洲鑲藍旗人。同知韓君萊曾。江蘇長洲人。洗馬立方先生產曾之弟。華陽令賈君廷產。山西陽曲人。成都令褚君端北。亦長洲人。辛未進士。二十年前曾在紫陽書院偕讀書。署金堂令陳君大文。吳縣人。昔年翁徵君玉行主其家。故亦數與相見。以上諸君皆辦軍需局事者。同一年學政孟君超然以吏部考功司郎中應是任。時任將滿矣。接任者爲宗人府主事馮君應榴。尙未至也。又前重慶府知府朱君子穎孝純。朱君都中舊好。以詩鳴。與布政使李君有親。應廻避赴吏部改補別省。因有賠項。貧甚未能完。是以羈寓於此。

二十三日南部令凌君夢曾來見。君爲茗柯先生文孫。予辛巳會試所取士。及

晚得旨。以賊人設碉固守。乃所特爲抗拒官軍之計。我兵卽奮勇攻擊。賊必悉力支持。不惟曠日玩時。且忍兵丁或有傷損。昔年訥親辦理金川事宜。曾以撲碉獲罪。阿爾泰等何欲蹈其覆轍。自當暫舍堅碉。繞越他路而進。方合避實擊虛之道。

二十四日副將軍奏言。體察小金川形勢。西南兩路最爲扼要。昔年經略傅恒征金川。亦由斑爛一路自應。從此進兵。但今滿洲黔兵來抵成都。尙需時日。臣謹先馳往南路。與阿爾泰商辦一切。奏上乃行。昧爽出城四五里許。有武侯祠。少陵所詠丞相祠堂也。三十里過雙流縣。大江從黃勝岡東南流至灌縣。分爲二支。及崇慶又分爲二。自溫江流入境內。故縣以名。在縣北者名大阜江。在縣南者名楊柳河。實皆岷江所分。至眉州合流行五六里。渡楊柳河。又十里過新津縣。又三十里過斜江。江源出大邑縣鶴鳴山。東流入於邛水。又三十里抵邛州。漏下三鼓矣。邛州知州曹君焜。嘉善人。以敏幹稱。是夕來。余擁衾將臥。數語而別。不暇抵掌論時事也。自成都至邛州。沃野數百里。溝塍如繡。道途如砥。村

莊相望。桑柳猗猗。豆莢麥苗。皆青葱彌望。錦城天府之言。良信。

二十五日子刻從邛州行三十里過百丈驛。入名山縣境。蓋古百丈縣。縣東有百丈山。因名。下有河。源出蓮花山。流入蒲江。注於鐵溪。飯已行。自此而南路漸攀。六十里申刻過名山縣。益峻峭。皆蒙山之支山也。又四十里抵雅州府城。東二里水聲潺潺然。邛水也。俗名長瀆。江源自邛崃山經州界。東入青衣江。笮橋布其上。時已戌刻。署知府江君權遣人邀至署。君昔爲兵部郎中。庚辰順天鄉試辛巳會試。皆與予爲同考官相善。秉燭絮語。酒罷始歸館舍。

二十六日丑刻燃炬行。上下坡砌。旁長瀆水噴激不絕。所謂自由山也。凡五十里過觀音鋪。又二十里過嚴道。漢文帝賜鄧通嚴道銅山。得鑄錢。卽此。又三十里過榮經縣。復行雨作。旣夕雨益密。路益險。六十里抵小關山。宿於村民家。掃除半室。假寐頃之。

二十七日卯刻行。雨霽。十里過大關山。視小關山倍峻。懸崖路絕。輒編木爲橋。半插巖間。半支木杪。志云明洪武間曹震始修鑿者。其下盈路皆圓石如卵。蓋

夏秋間四山瀑水齊下。萬石磨盪推激成此。又十里登大相公嶺。相傳諸葛武侯南征所經。絕巔有公廟。遺像清高。摳衣再拜。時雨雪。輿人皆僵凍。索粥糜少許食之。坐望山西北面。雲霧瀰漫。一無所見。有頃循嶺而下。俗名七十四盤。卽九折坂。爲王陽停馭王尊叱馭處。是日辰刻副將軍抵清溪縣。江君權報董君以二十四日從札古壩攻破甲金達山賊酋潰走。並得牛廠。不日可入達圍。副將軍乃飛騎來迎。予既至。令草奏畧言斑爛山一帶賊人多建碉卡。從前福昌因兵力單弱。未能卽進。若於此一路乘勢進攻。不惟與董天弼會合。且直搗美諾。勢較捷便。但天弼旣經深入。自當添兵接續。現有成都滿兵四百名。調往南路。甫抵雅州。距木坪堯磧不遠。令其速赴天弼軍營。協同進剿。並派遣副都統常保柱及侍衛等率領以往。至籌度機宜。臣應卽赴西路云。蓋斑爛山至美諾。以達圍爲咽喉。今董君旣往牛廠進攻。賊人如棄達圍去。必不守斑爛。若分力以拒牛廠之兵。則斑爛守禦單弱。亦必易克。故亟取道於此。

二十八日奏上。乃還。還過大相公嶺。時初霽。雲濤如海。日光照之。作白毫光色。